



UNIVERSITÄTS-
BIBLIOTHEK
PADERBORN

Stella Benedictina Sive Regula Sanctissimi Patris Nostri Benedicti

Meyenschein, Benedikt

Hildesii, 1725

VD18 10311831

LIV. Quòd non debeat Monachus literas seu eulogias accipere. Abbate invito seu reclamante petito, Nulla acceptabis muneram, nulla dabis.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

- n) Quoad numerum & qualitatem tam spondarum, quàm lectisterniorum.
- o) Sive domus religiosa, Deo specialiter dicata.
- p) Hoc enim foret in ruinam disciplina, silentii ac solitudinis, & multorum malorum occasio.
- q) Subaudi, hospitibus: idque propter consuetudinem universalem.
- r) Vel per verbum Benedicite aliàve pauca, ut explicat Boërius; vel potius signo aliquo V. G. capitis inclinati aut genuflexionis, ut colligitur ex lect. preced.

6. APRIL. 6. AUG. 6. DECEMB.

CAPUT LIV.

Quòd non debeat Monachus literas seu eulógias accipere.

Nullatenus liceat Monacho, neque à parentibus suis, nec à quoquam hominum *a*, nec sibi invicem literas aut eulógias *b* vel quælibet munuscula accipere aut dare sinè præcepto *c* Abbatibus *d*. Quòd si etiam à parentibus suis
ei

ei quidquam directum e fuerit, non præsumat suscipere illud, nisi prius indicatum fuerit Abbati. Quod si iusserit suscipi, in Abbatis sit potestate, cui illud jubeat dari: & non contristetur f. Frater, cui fortè directum fuerat, ut non detur occasio diabolo. Qui autem aliter præsumpserit, disciplinæ regulari subjaceat.

- a) *Subintellige ex seqq. accipere literas &c.*
- b) *Εὐλογία græcè, latinè benedictio, dicebatur olim panis aut aliud esculentum benedictum, à fidelibus vel Monachis in signum fraternæ unionis sumendum. Accipitur autem in Script. & SS. PP. aliisque Scriptoribus pro quolibet beneficio seu dono vel munere in signum benevolentia collato vel transmissio. Unde verba immediate sequentia sumi possunt velut explicatio prioris.*
- c) *Sive permissione: aliàs peccatur contra Votum paupertatis, de quo vid. suprâ c. 33.*
- d) *Intellige, vel immediate, vel mediate, ut sæpius dictum.*
- e) *Seu missum.*

f) *Talis*

f) *Talis enim contristatio indicat affectum proprietarium habendi aliquid sine licentia, quamvis reipsa haberi non possit.*

7. APRIL. 7. AUG. 7. DECEMB.

CAPUT LV.

De Vestiariis & Calceariis a Fratrum.

Vestimenta Fratribus secundum locorum qualitatem, ubi habitant, vel aerum temperiem dentur; quia in frigidis regionibus amplius indigetur, in calidis vero minus. Hæc ergo consideratio penes Abbatem est. Nos tamen mediocribus *b* locis sufficere credimus Monachis per singulos cucullam *c* & tunicam *d*; cucullam in hyeme villosam *e*, in æstate puram *f* aut vetustam: & scapulare *g* propter opera: indumenta pedum pedules *h* & caligas *i*. De quarum rerum omnium colore *l* aut grossitudine *m* non causentur *n* Monachi; sed quales inveniri possunt in provinciâ, quâ habitant, aut quod vilius comparari potest *o*.